## O KANUNI DELA **HAKO/PRAVO E NACIONALNIKANE MINORITETEN**

Ko 1 januari, 2010 alo o kanuni bašo o nacionalnikane minoritetia hem i minoritetikani čhib so podžindža te važinel ki Švedia. E kanuneskere trin temelnikane arakhibaskere paragrafia dela e nacionalnikane minoritetenge hako ki informacia, te arakhelpe i kultura, i čhib, hako te učestvuinen hem ko vlianibe.

Keda ka valjani e Organ upravakiri administracia ko jekh pogodno čani ka informirinel e nacionalnikane minoriteten bašo olengere hakia prema akava kanuni.

Ko kanuni e čhibjake (2009:600) vakerelape so opšto isi posebno odgovornost te arakhel hem te šukarkerel e nacionalnikaneminoritetengiri čhib. O opšto isto ka šukarkerel e nacionalnikane minoritetengoro šaipe te arakhen, te buvljaren pli kultura ki Švedia. E čhavengoro buvlipa taro kulturakoro identiteti hem o šaipe te kulandinelpe i minoritetikani čhib posebno ka šukarkerelpe.

Organ upravakere administracie ka del e nacionalnikane minoritetenge šaipe te utičinen ko keribe lafi baši olende hem kobor šaj te dogovorinenpe e prestavnikoncar e minoritetenge ko asavke pučiba.



E themeskoro/vladakoro cili e minoritetikane politikaja tani te del zaštita/te arakhel e nacionalnikane minoriteten, te zojrarel olengoro šaipe te utičinen hem te podržinel o historikane minoritetikane čhibja či te šaj te ikerenpe

**DISKRIMINACIA HEM IZLOŽIBE** Diskriminacia, izložibe hem bipravedno postupiba prema o manuša so pripadinena ko nacionalnikane minoritetia ka suprostavinelpe. Olende ka ovel isto hako sar sa e narodo te šaj te učestvuinen ko dživdipaskoro društvo.

**UTIČIBE HEM DELATNOST** E nacionalnikane minoritetengoro šaipe ko utičibe hem delatnost ka zojrarelpe, ko asavko misal so e Organ uprava ka dogovorinelpe olencar. E minoritetenge ka delpe baro utičibe ko asavko pučiba keda kerelape olengoro lafi.

**ČHIB HEM KULTURAKORO IDENTITETI** E nacionalnikane minoritetengiri čhib hem kulture ka arakhenpe/zaštitinelpe hem ka unapredinenpe. O manuša so pripadinena ko nacionalnikane minoritetia ka prisvoinen hem ka kuladinen ple dajakiri čhib hem ka buvljaren plo lično kulturakoro identiteti. I nacionalnikani minoritetikani čhib ka ovel jekh dživdi čhib ki Švedia.



I Švedia sekova far sine butečhibjengiri hem butekulturengiri phuv. Leponcia, fincia, tornedalcia, roma hem jaudie bešle beršencar ki akaja phuv. Olengiri čhib hem kultura tani jekh kotor tari e švediakiri zaednica hem amaro zaedničko kulturakoro mirazi.

LAPONCIA: Isi 20 000 – 35 000 leponcia ki Švedia so kerena buteder variteti tari laponikani čhib. O laponcia tane drevno narodo.

ŠVEDIKANE FINCIA: Isi 450 000 – 600 000 švedikane fincia ki Švedia. Buteder bešena ko Stockholm -Mälardalen. I minoritetikani čhib tani finsko.

TORNEDALCIA: Isi cirka 50 000 tornedalcia ki Švedia so hembut bešena ko Norrbotten. I Minoritetikani čhib akharelape meänkieli.


ROMA: Isi 50 000 – 100 000 roma ki Švedia so bešena ki soro phuy. I minoritetikani čhib tani razno varietetia tari i romani čhib.

**JAUDIE:** Isi 20 000 – 25 000 jaudie ki Švedia. I minoritetikani čhib tani jaudikane.









INFORMACIAKORO IZVOR: Database for the European Charter for Regional or Minority Languages, http://languagecharter.coe.int/index.htm (sastavindžape taro The Public Foundation for European Comparative Minority Research e potporaja taro Europakoro godidejbe hem Ministry for Foreign Affairs of Hungary)